



Ònderstant

Informashon di kontakto di RCN-Unit SZW

Departamentu di Ònderstant Boneiru
Centrumgebied z/n

Telefòn: (+599) 715 - 88 88
E-mail: onderstand@rijksdienstcn.com
Wèpsait: www.rijksdienstcn.com

Orario di konsulta di ònderstant:
djaluna te ku djaweps, di 8 or pa 10 or di mainta.



Ònderstant

Bo no tin sufisiente sèn pa por sobreviví, por ehèmpel pasobra bo no por traha, òf pasobra a redusí bo pago di AOV? Ònderstant ta un kontribushon di Gobièrnu Sentral pa sostené e abitantenan di Hulanda Karibense ku (temporalmente) no por sobreviví. RCN Unit-SZW ta e instansia ku ta duna ònderstant i ku ta pèrkurá pa e persona sigui kumpli ku e kondishonnan stipulá den lei pa risibí ònderstant.

Ken por bini na remarke?

- Personanan ku tin por lo ménos 18 aña di edat;
- Personanan ku a nase na Hulanda Karibense, òf ku tin por lo ménos 5 aña legalmente bibá einan;
- Personanan ku no tin sufisiente entrada pa por mantené nan mes.

Suma di ònderstant

E sumanan di ònderstant ta diferensia pa kada isla. Tambe esaki por kambia kada aña di nobo, dependé e inflashon. Ònderstant ta konsistí di un suma básiko. Banda di esei tambe tin supsidio individual manera supsidio pa hende ku ta biba independiente, pa hende kasá, pa hende ku yu ku ta biba na kas ainda i pa hende inkapaitá pa traha. Durante bo bishita na nos ora di konsulta, lo evaluá bo situashon personal. Ta paga ònderstant kada kinsena.

Kiko bo mester hasi si bo situashon kambia?

Si bo ta risibí ònderstant i por ehèmpel bo haña trabou, bo bai biba huntu òf bo yu(nan) ta bai biba riba nan mes, bo tin e obligashon di informá SZW. Si bo no hasi esaki, por stòp òf baha bo montante di ònderstant temporalmente. Tambe SZW por buska informashon serka otro instansia pa kontrolá bo situashon personal, por ehèmpel serka bo doño di trabou.

Ònderstant partikular

Si akaso bo haña bo den un situashon inesperá ku sierto gastunan haltu ku bo no por paga, tin chèns ku bo por bini na remarke pa ònderstant partikular. Gastunan haltu inesperá ku SZW por kubri ta por ehèmpel rankamentu di djente, un dieta médiko, un frishidèr, un wasmashin òf un kama.

Apliká pa ònderstant partikular

Si bo ke bini na remarke pa ònderstant partikular, bo por bishita SZW durante ora di konsulta di ònderstant. Un kolaboradó di ònderstant lo hasi bo pregunta tokante bo situashon i lo evaluá si bo ta kumpli ku e kondishonnan.

Pa ònderstant partikular e pago lo no ta den forma di sèn kèsh. Si bo kumpli ku e kondishonnan, SZW ta paga e gastu haltu inesperá (parsialmente), direktamente na e distribuidó

Tuma kontakto ku nos pa sa kua dokumento mester pa por apliká pa ònderstant partikular.

Informashon importante

Pa por determiná si bo tin derecho riba ònderstant, SZW mester por disponé di bo informashonnan personal i finansiero. Tin algun regla estrikto na vigor tokante esaki:

- Bo mester reakshoná riba kualke yamada pa presentá na SZW. Esaki ta pa nos por determiná si bo tin derecho riba ònderstant (partikular), i riba ki suma bo tin derecho.
- Bo mester duna SZW tur informashon ku ta di importansia pa determiná bo derecho riba ònderstant (partikular).
- SZW por buska informashon ku ta di importansia, serka otro instansia pa kontrolá i verifiká bo derecho riba ònderstant (partikular).
- SZW ta nenga un petishon pa ònderstant (partikular) den kaso ku e persona no koperá ku e investigashon òf duna informashon inkorekto òf inkompleto.
- SZW por eksigí pago di e suma bèk si bo a risibí pago dunando informashon inkorekto i inkompleto.

